



Nicolaus honestis parentibus natus, & in omni genere uirtutum & literarū educatus est. Is cum prima artium rudimenta in patria percepisset, sese ad uarias academias recepit, atq; artium & linguarum studio ea felicitate incubuit, ut omnibus doctis breui innotesceret. Postea quoq; Legibus operam dedit, atq; sua diligentia effecit, ut omnium acclamatione Doctoralia insignia sibi compararit. Inerat quoq; Nicolao docendi perspicuitas, atq; rara quaedam explicandi sinceritas. Itaque ut & praesenti & futuro seculo consuleret, commentariorum Iuris civilis aliquot libros conscripsit, atq; eos magna laude Basileæ 1565 ædidi.

pari industria alia quoque ingenij monumenta confecit, atque sese talem ostendit, ut procul dubio suis lucubrationibus patriam Germaniam quandoque plurimum sit exornaturus. Id quod multi docti uiri passim de ipso praedicant. Anon.